



Pou Piblikasyon Imedya: 03/09/2021

GOUVÈNÈ KATHY HOCHUL

## GOUVÈNÈ HOCHUL RAPLE OTOMOBILIS YO POU BOUKLE SENTI YO AK KONDUI AN SEKIRITE PANDAN VWAYAJ NAN WIKENN FERYE FÈT TRAVAY LA

*Li anonse sispansyon konstriksyon wout ak pon yo pandan wikenn fèt la*

*Volim sikilasyon an twa dwe wo*

*Y ap limite fèmti vwa ki an rapò ak konstriksyon yo pou fasilité deplasman yo*

*Y ap egzòte otomobilis yo pou yo ralanti epi mete yo sou kote pou veyikil  
depanaj dijans ak veyikil antretyen woutyè yo*

*Pousantaj konfòmite sou senti sekirite New York la rete wo*

Gouvènè Kathy Hochul te raple otomobilis yo jodi a pou boukle senti yo ak kondui san danje pou jwi wikenn fèt long lan ak pou asire timoun yo byen tache nan machin yo. Dapre [AAA](#), volim sikilasyon an nan tout peyi a te rebondi apati 2020 epi ta dwe rete wo jiska Fèt Travay la.

Gouvènè a te anonse tou jodi a ke fèmti tanporè vwa pou pwojè konstriksyon wout ak pon yo sou otowout Eta New York yo pral sispan apati 6 a.m. nan vandredi 3 septanm rive 6 a.m. nan madi 7 septanm, pou fasilité deplasman yo pandan wikenn ferye Fèt Travay la. Chofè yo dwe okouran ke kèk travay ka kontinye dèyè baryè beton pèmanan oswa pou reparasyon ijans. Sispansyon konstriksyon yo alien avèk Inisyativ Chofè Yo An Premye (Drivers First) Eta New York la, ki priyorize komodite otomobilis yo pou minimize anboutejay nan sikilasyon an ak reta nan deplasman yo akòz travay nan pon ak sou wout yo.

"Anpil fanmi ap anbake nan vwayaj sou wout yo pou fen sezon ete a, kidonk sikilasyon sou otowout nou yo pral pi lou pase dabitud", **Gouvènè Hochul te deklare**. "Otomobilis yo ta dwe planifye davans ak pran tout mezi nesesè pou asire yo menm ak pasaje yo ap an sekirite nan mezi posib. Nou vle tout moun pase yon wikenn Fèt Travay an sekirite ak nan lajwa avèk souvni lajwa epi pou pèsòn pa gen jou fèt yo ki gen trajedi ki pa nesesè ki gache li. Tanpri obeyi ak tout pratik ak lwa sou sekirite sikilasyon, mete ou sou kote pou veyikil antretyen ak ijans yo, depoze telefòn ou ak kondui tèt klè".

Gouvènè a raple otomobilis yo pou yo aplike Lwa Pou Ouvri Wout (Move Over Law) eta a ki egzije chofè yo pou yo ralanti epi mete yo sou kote ak pridans pou veyikil fòs

lapolis, kamyon ponpye, anbilans, kamyon remòkaj, ak veyikil konstriksyon oswa antretyen ki kanpe sou bò wout yo nan tout eta.

Espas pou kanpe pou voye tèks yo, sa gen ladan enstalasyon pou estasyònman ak pran woulib (park-and-ride) yo, espas arè pou repoze yo ak pakin yo ki sou otowout eta yo ap soutni efò eta a pou redui kantite moun ki distrè pandan y ap kondui yo. Tout espas pou rete pou voye tèks yo pral rete ouvri, epi ofri yon kote pou chofè yo kapab an tout sekirite epi ak tout komodite itilize telefòn yo ak lòt aparèy mobil pou fè apèl, voye tèks, navige sou entènèt epi aksede a aplikasyon mobil yo. Li patikilyèman danjere pou voye mesaj tèks pandan w ap kondui, poutèt sa egzije otomobilis la pou retire je li sou wout la, lage volan an epi dekonsantre sou kondui.

Dapre [Administrasyon Sekirite Sikilasyon sou Otowout Nasyonal](#) la, mete yon senti sekirite sou chèz devan yon veyikil patikilye kapab redui risk lanmò nan 45 pousan epi redui risk blesi grav nan 50 pousan. Sou baz done NHTSA, pousantaj itilizasyon senti sekirite nasyonal la se 90 pousan. Nan New York, konfòmite avèk senti sekirite a te rete pi wo pase 90 pousan pou deseni pase a.

Gouvènè Hochul te egzòte otomobilis yo pou asire timoun yo k ap vwayaje nan veyikil yo rete byen tache. Nan kad Pwogram Sekirite Timoun Pasaje GTSC a, ajans lapolis nan eta ak lokal yo, ansanm ak plizyè patnè sekirite kominotè, ofri enspeksyon gratis chèz machin pou timoun ke teknisyen sètifye nan sekirite timoun pasaje ap fè pandan tout ane a. GTSC kenbe yon [lis evènman sou chèz sekirite pou timoun](#) sou sitwèb li a. Apati 1 novanm 2020, tout moun ki nan veyikil pasaje yo, kèlkeswa kote yo chita, bezwen mete senti sekirite oswa boukle yo kòrèkteman nan yon chèz sekirite pou timoun.

**Komisè Depatman Veyikil a Motè (Department of Motor Vehicles, DMV) Eta New York la ak Prezidan [Komite Sekirite Sikilasyon Gouvènè nan New York](#) (Governor's Traffic Safety Committee, GTSC), Mark J.F. Schroeder te deklare,** "Pandan n ap pran wout yo pou yon dènye avanti dete, mwen egzòte otomobilis yo pou kondui an sekirite pandan wikenn vwayaj entans sa a. Evite distraksyon, mete nou sou kote pou veyikil ijans yo pase, pa akselere epi pa janm kondui ak kapasite nou febli. Youn nan bagay ki pi enpòtan chofè ak pasaje yo kapab fè se boukle senti yo, jan etid yo te montre sa, senti sekirite yo, lè yo itilize kòmsadwa, se sèl fason ki pi efikas pou pwoteje tèt nou nan yon aksidan veyikil a motè. Mwen kontan ke gwo majorite Nouyòkè yo kontinye boukle senti yo".

**Komisè Depatman Transpò Eta a, Marie Therese Dominguez te deklare**, "Inisyativ Chofè Yo An Premye nan Eta New York la ede Nouyòkè yo rive nan destinasyon yo avèk mwens kantite deranjman posib. Pandan w ap vwayaje sou wout nou yo tanpri sonje fè sa an sekirite, pa voye tèks pandan w ap kondui, pa bwè apre pou w ale kondui, mete senti sekirite ou epi rete vijilan. Tanpri obeyi pano nan zòn travay yo ak pase sou kote pou travayè wout yo ak veyikil ijans yo, fanmi DOT nou an merite randre lakay yo an sekirite pou jwi fanmi yo tou".

**Direktè Egzekitif Otorite Thruway Eta New York, Matthew J. Driscoll, te deklare,** "Otomobilis k ap vwayaje nan wiken Fèt Travay sa a pral gen mwens reta epi pral kapab rive nan destinasyon yo pi vit, avèk sispanson fèmti vwa ki gen rapò ak konstriksyon yo. Nou vle raple chofè yo akòz pwojè reyamenajman nan zòn sèvis, 10 zòn sèvis fèmen nan Thruway pou renovasyon, kidonk, planifye arè ou yo kòmsadwa. Sèvis kabiran yo rete ouvri nan tout lokal yo, epi pa gen okenn zòn ki gen de sèvis konsekitif ki fèmen nan menm direksyon vwayaj la. Nou espere ke tout Nouyòkè yo ap pase yon Fèt Travay an sekirite ak nan lajwa".

**Sipè-entandan Lapolis Eta a, Kevin P. Bruen, te deklare,** "Pandan sispanson travay sou wout la pou wiken peryòd fèt la ta dwe ede fasilite reta nan sikilasyon, n ap raple chofè yo ke yo dwe fè pati pa yo pou asire tout moun rive nan destinasyon yo san danje. Tanpri obeyi limit vitès yo, depoze telefòn yo, boukle senti nou ak rete konsantre ak alète. Polis yo nan Eta a ap trè vizib wiken sa epi y ap genyen zewo tolerans pou pwoblèm ensousyans chofè yo".

Gouvènè a te mete aksan tou sou enpòtans planifikasyon davans anvan vwayaj ak rete prepare nan ka gen yon aksidan, pàn oswa lòt ijans. Anvan deplasman, reyalize antretien woutin tankou ajisteman, chanjman lwil, verifikasiyon batri ak wotasyon kawotchou epi asire ou gen founiti ijans, sa gen ladan yon twous premye swen ijans, flach ak kab demaraj. Se yon bon lide pou planifye wout ou davans, tcheke kondisyon tan an, kondisyon wout ak sikilasyon an, epi fè lòt yo konnen itinerè ou ak lè ou prevwa rive.

Mèt vezikil yo ta dwe fè tchèk tou anvan yo vwayaje pou wè si vezikil yo te raple epi dwe repare. Zouti rechèch VIN NHTSA a èmèt ou antre yon Nimewo Idantifikasiyon Veyikil (VIN) pou konnen byen vit si yon vezikil espesifik pa te repare nan kad yon rapèl sekirite nan dènye 15 ane yo. Ou kapab tou enskri pou resevwa alèt rapèl pa imèl.

Sèvis Sikilasyon an ap egzòte chofè yo pou yo itilize aplikasyon Have a Plan (Gen yon Plan) an pou ede jwenn yon wout sekirize pou ale lakay yo lè yo soti nan yon selebrasyon kote yo ka te ap bwè alkòl. Aplikasyon gratis Komite Sekirite Sikilasyon Gouvènè a ak Fondasyon NYS STOP-DWI la te mete disponib lan pèmèt itilizatè yo deziyen yon chofè, rele yon taksi oswa woulib an komen, epi revize konsekans ki genyen lè moun kondi nan kapasite afebli. Itilizatè yo ka menm itilize aplikasyon an pou rapòte yon chofè ki sou oswa ki dwoge. Aplikasyon an disponib pou telefòn entèlijan Apple, Android, ak Windows.

Swiv DMV sou Facebook , Twitter ak Instagram.

Vwayajè yo ka verifye 511NY NYSDOT a anvan yo vwayaje. Pou yo fè sa, y ap rele 5-1-1, vizite sitwèb 511 la, oswa telechaje aplikasyon mobil gratis 511NY la sou iTunes oswa Google Play. Sèvis gratis la pral pèmèt itilizatè yo tcheke kondisyon wout yo, wè 2219 kamera sikilasyon epi relye a enfòmasyon ayeryen ak transpò. Kounye a aplikasyon an ofri yon mòd Kondui (Drive), ki sonnen pou avèti moun k ap kondui sou yon wout yo chwazi si gen aksidan osinon konstriksyon.

Swiv DOT Eta New York la sou Twitter: [@NYSDOT](#) epi sou Facebook nan [New York State Department of Transportation \(Depatman Transpò Eta New York\)](#).

Otorite Thruway ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy iPhone ak Android. Aplikasyon an bay otomobilis yo enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resevwa imèl TRANSalert k ap bay dènye enfòmasyon sou kondisyon sikilasyon sou [Thruway](#) a.

Swiv Otorite Thruway yo sou Twitter: [@NYSThruway](#) epi sou Facebook nan [New York State Thruway Authority \(Otorite Thruway nan Eta New York\)](#) oswa telechaje [aplikasyon mobil gratis](#) Thruway a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)